

## Transkription von Urkunde HAL 1327a

Ort, Datierung: Halle, 1327-10-21

Signatur: Stadtarchiv Halle, II, Urk., 17 U 1 Nr. 17 [\[online\]](#)

Inhalt: Rat der Stadt Halle: Sühnebrief

---

In deme namen goddes amen . . Wie sewevndedrittich Ratmanne tho halle . . Wie von deme dale . .  
Wie von deme berghe . . Wie / Meystere der Inni(n)ghe , vnde bürghere ghemeyne to halle . Bekennen  
openliken indisseme Ieghenwerdighen brieue . vmme den krich de(n) hin(ric) / von Horthusen vnde  
sine brodere hebben ghehat , mit , vnsen bürgheren von halle . dat sie des eyne gantze sone hebben mit  
, vns . vnde wie / mit on . also . dat sie noch wie des mit arghe num(m)er mer vptucken scolten . . Were  
dat , sie disse sone breken an emande beschuldighet sie die / rat dar vmme dar scolten sie tho rechte  
vmme komen af sie willen . wolden sie ore recht nicht , dar vore dūn . so scoldeme sie vorwisen von /  
halle hundert Iar . vnde eynen dach . swie disse sone ouc an on breke . des seluen rechtes scal die rat  
orer den helpen ouc bekenne wie mer / vmme den krich den hinric von vriberch vnde die von  
Horthusen mit eyne ander hebben ghehat dat scal sin eyne gantzt sone ane aller/leye arghest . vnde mit  
alle den die mit der sake begrepen sint eynehalf vnde anderhalf . Swelk orer die sone breke . dar hie sin  
recht . / nicht vore wolde dūn den scal man vorwisen von halle hundert Iar vnde eynen dach . . Vppe  
dat . dat disse vorbescreuene sone gantz w(er)de / ghehalden sunder broc so hebbe wie ratmanne dissen  
Ieghenwerdighe(n) brief laten beseghelet mit vnser stad anghangeden Ingheseghe/le . vnde mit der  
Ingheseghele von deme dale . vnde mit der Ingheseghele . von deme berghe . vnde mit der Meystere  
Ingheseghelen / der Inni(n)ghe . vnde ek hinric von Horthusen vnde mine brodere mit vnseme  
Ingheseghele . Vnde ek hinric von vriberg mit mime / Ingheseghele . . Disse brief is ghegeuen nach  
goddes ghebūrt Ouer dusent Iar druhundert Iar Indeme souene vnde twintuchsten Iare In / der  
elefdusent maghede daghe . . /